

«Ҳоким ва ёшлар»





Ёшлар куни тадбирлари доирасида вилоят ҳокими Шуҳратбек Абдураҳмоновнинг ёшлар билан учрашуви бўлиб ўтди.


Учрашувда қишлоқ хўжалиги, тадбиркорлик, ҳунармандчилик, фан ва таълим, спорт, санъат ва бошқа қатор соҳаларда изланиб меҳнат қилаётганлар иштирок этдилар.

Вилоят ҳокими эртанги қунимиз эгаларини байрам билан самимий табриклади ҳамда Президентмиз ва Ҳукуматимиз томонидан ёшларга берилаётган эътибор хусусида сўз юритди.

Жумладан, 2017 йил 5 июлдаги “Ёшларга оид давлат сиёсати самарадорлигини ошириш ва Ўзбекистон ёшлар иттифоқи фаолиятини қўллаб-қувватлаш тўғрисида”ги Президент фармони бу борадаги тарихий хужжат бўлди. Мазкур фармон билан Ўзбекистон ёшлар иттифоқи фаолиятининг устувор йўналишлари белгилаб берилди.







Айтиш жоизки, Ўзбекистон аҳолисининг қарийб 60 фоизи ёшлардан иборат бўлса, Андикон вилоятида бу кўрсаткич 55 фоизни ташкил этади. Вилоятда жами 2 минг 72 та корхона, ташкилот ва муассасаларда Ўзбекистон ёшлар иттифоқининг бошланғич ташкилотлари фаолият олиб бормоқда. Ҳозирги кунга келиб, Ёшлар иттифоқи 500 мингга яқин, “Камалак” болалар ташкилоти эса 350 мингдан ортиқ ёшларни ўз атрофига бирлаштира олди.

Ёш авлод учун барча шарт-шароит, имтиёзлар, имкониятлар ва қулайликлар эшиги кенг очилган. Ёшларга давлат сиёсати даражасида эътибор қаратилмоқда. Вилоятимизнинг фаол ёшлари сўнги 1 йил давомида турли соҳаларда 500 та мукофотга сазовор бўлишди.

Шунингдек, 40 нафар йигит-қиз унвон ва мукофотлар билан тақдирланди, 7 минг нафардан ортиқ ёшлар турли фан олимпиадаларида иштирок этиб, уларнинг 100 га якини республика ҳамда вилоят олимпиадаларида ғолибликни қўлга киритди. Спортчи ёшлар орасида 4 нафар жаҳон чемпиони, 2 нафар олимпия ва

1 нафар паралимпия чемпионлари ҳамда 60 га яқин Осиё чемпионлари бор.

Учрашувда Ўзбекистон Республикаси Президентининг 2017 йил 21 ноябрдаги “Мард ўғлон” давлат мукофотини таъсис этиш чора–тадбирлари тўғрисида”ги қарори асосида бўлиб ўтган танлов якунлари маълум қилинди. Танловнинг вилоят босқичида 192 нафар андиконлик ёшлар иштирок этиб, уларнинг 22 нафари республика босқичига йўлланма олган эдилар. Шундан икки нафари - Иқболжон Холдаров ва Шахризод Мусабоев “Мард ўғлон” давлат мукофотига лойик деб топилди. Вилоят ҳокими тақдирланганларга кўкрак нишони ва тилла соат топширди.

Очиқ мулокот давомида ютуқлар, андиконлик ёшларнинг бугунги ислоҳотлардаги ўрни, мавжуд муаммо ва камчиликлар батафсил муҳокама қилинди. Ўнлаб ёшлар томонидан кўтарилиган масалалар юзасидан вуилоят ҳокими тегишли топшириклар берди.

-Мулокотдан бир неча соат ўтар-ўтмас мен илгари сурган муаммо бартарф этилди, -дейди Тошкент

Давлат аграр университети Андижон филиали ёшлар етакчиси Ҳабибулло Солиев. – Андижон шаҳридаги Оқравот ва Обод маҳаллалари худудидаги 500 хонадон хизмат қилувчи оқава сув тармоғи қайта тикланди.

Самарали кечган учрашувда ёшлар учун тадбиркорлик, таълим, соғлиқни сақлаш, спорт ва ижод борасида қўшимча имкониятлар яратилди.